



Istinomjer Zastone <istinomjer@zastone.ba>

Medijski upit - Istinomjer

IDDEEA BIH <iddeea@iddeea.gov.ba>
To: Istinomjer Zastone <istinomjer@zastone.ba>

Tue, Dec 19, 2023 at 11:25 AM

Poštovani,

U nastavku prosljeđujemo odgovore.

S poštovanjem,

IDDEEA BiH

Šta podrazumijevaju pojmovi “aktivno prebivalište” i “aktivno boravište”?

Prilikom kreiranja statističkih izvještaja o broju lica sa aktivnim prebivalištem/boravištem na području neke općine iz Evidencije prebivališta/boravišta državljana Bosne i Hercegovine, koriste se određeni parametri koji ukazuju na činjenicu da neko lice ima evidentiranu zadnju stalnu adresu prebivališta u toj općini.

Pod pojmom „aktivno prebivalište“ tj. „lice/osoba sa aktivnim prebivalištem“ podrazumjeva se lice za koje nadležni organ evidentira činjenicu stalnog prebivališta sa aktivnim i važećim statusom prebivališta. Dakle, radi se o licima koja su podnijela prijavu za prebivalište na propisanom obrascu i koja su prijavljena u Evidenciju prebivališta/boravišta od strane nadležnog organa odnosno to su osobe koje imaju zadnju evidentiranu adresu prebivališta u nekoj općini, mjestu, ulici i uličnom broju, a koja je evidentirana kao aktivna, stalna i važeća (nije poništeno prebivalište, nije lice sa objavljenim prebivalištem).

Isto vrijedi i za pojam aktivno boravište, s tim da su to kategorije državljana sa privremenim aktivnim i važećim prebivalištem odnosno boravištem. Lice ne može imati u istoj općini prijavljeno prebivalište i boravište. Boravište ne može biti duže od godinu dana, ali može se podnijeti novi zahtjev za privremeno prebivalište uz navođenje razloga boravka u nekoj općini.

Da li se podaci o broju registrovanih prebivališta mogu koristiti kao relevantni podaci kada je riječ o broju stanovnika?

Podaci o broju evidentiranih prebivališta u nekoj općini ne znače da je to i broj stanovnika u toj općini. Broj stanovnika možda može biti i veći od broja evidentiranih osoba sa aktivnim prebivalištem u nekoj općini. Međutim, svakako da broj lica sa aktivnim prebivalištem može biti dobar pokazatelj i procjene broja stanovnika, pogotovo ako se uzme u obzir činjenica da se od 2015. godine primjenjuju odredbe unosa odgovarajućeg dokaza za prebivalište na nekoj adresi.

Da li IDDEEA ima način praćenja osoba koje su napustile BiH, a nisu odjavile mjesto boravka?

Ne postoji tehnička mogućnost „praćenja“ osoba koje su napustile BiH ukoliko nisu prijavile/odjavile prebivalište kod nadležnog organa. IDDEEA raspolaže podacima o prebivalištu/boravištu koje elektrosonki u Evidenciju prebivališta/boravišta dostavljaju nadležni organi kao vlasnici podataka, a koji su stvarno nadležni za tačnost evidentiranih podataka.

[Quoted text hidden]